

Gĩlàng ê Hílók

- 1 Halélú'iah, oló SiōngChú!
Kèngùì SiōngChú, ài l ê bēnglēng ê lāng chin ū hokkhì!
- 2 I ê kiáⁿsun tī sèkan ittēng ē kiōngsēng;
chèngtít ê lāng ê āutāi ittēng ē tit tiòh hokkhì.
- 3 I ê chhù lāi ū hòebút, ū chíⁿchāi;
i ê konggī chūn kàu éngoán.
- 4 Chèngtít ê lāng tī oàm tiong ū kng chiò i;
i ū unhūi, ū liānbín, ū konggī.
- 5 Chòlāng jīnchū, khóngkhài chioh lāng mihkiāⁿ,
koh kongchèng chhúlí tāichì ê lāng ū hokkhì;
i ē sūsū sūnlī.
- 6 I éngoán bē iôtāng;
gĩlàng ē éngoán hō lāng siàuliām.
- 7 I m̄ kiaⁿ hiongok ê siausit,
inūi i ê sim kiantēng, i sìnkho SiōngChú.
- 8 I ê sim anjiān chūchāi, lóng bô kiaⁿhiāⁿ,
títkàu i khòⁿkìⁿ i ê tùitèk chosiū pòeng.
- 9 I khóngkhài chínchè sànnchiah lāng;
i ê konggī éngoán chūnchāi.
i ê kak beh tī êngkng tiong siū kokí.
- 10 Pháiⁿlāng khòⁿkìⁿ tòh àunáu siūkhì,
in ē kāgê chhiatkhí, koh tī oàntò tiong
chiāmchiām soelám;
pháiⁿlāng ê simgoān ē hòachò oíú.

義人 ê 喜樂

- 1 Halélú'iah, oló 上主!
敬畏上主, 意愛祂 ê 命令 ê 人真有福氣!
- 2 伊 ê kiáⁿ 孫 tī 世間一定 ē 強盛;
正直 ê 人 ê 後代一定 ē 得 tiòh 福氣。
- 3 伊 ê 厝內有貨物, 有錢財;
伊 ê 公義存到永遠。
- 4 正直 ê 人 tī 烏暗中有光照伊;
伊有恩惠, 有憐憫, 有公義。
- 5 做人仁慈, 慷慨借人物件, koh 公正處理 tāichì
ê 人有福氣;
伊 ē 事事順利。
- 6 伊永遠 bē 搖動;
義人 ē 永遠 hō 人 siào 念。
- 7 伊 m̄ 驚凶惡 ê 消息,
因為伊 ê 心堅定, 伊信靠上主。
- 8 伊 ê 心安然自在, lóng 無驚惶,
直到伊看見伊 ê 對敵遭受報應。
- 9 伊慷慨賑濟 sànnchiah 人;
伊 ê 公義永遠存在。
伊 ê 角 beh tī 榮光中受高舉。
- 10 Pháiⁿ 人看見 tòh 懊惱受氣,
in ē 咬牙切齒, koh tī 怨妒中漸漸衰 lám;
pháiⁿ 人 ê 心願 ē 化做烏有。